

alias statutum fuit et *defunctorum corpora in tumbis profundis infra terram collocentur*; Pius V. constitut.: *Cum primum apostolatus*  
1. April 1566.

Ecclesiae non debent fodi neque excavari pro sepultura, sed in sepulturis sive tumbis profundis infra terram christianorum cadavera sepeliri. Sacra Congreg. Episcop. et Regular. 23. Jul. 1603.

Fundana.

(Conc. Trid. c. 13. Sess. 25. De ref.)

Indecorum existimans Episcopus, quod in omnibus fere ecclesiis suae dioecesis abusus inoleverit passim effodiendi earumdem ecclesiarum pavimenta pro contumulandis defunctorum cadaveribus, de mense Aprilis anni 1706 inhaerens constitutioni fel. record. B. Pii V., quae incipit: *Cum primum Apostolatus*, prolati edicto vetuit, ut cadavera defunctorum non ibi collocaarentur quam in tumbis profundis, ad hunc effectum destinatis, apposita poena ducat. 50. locis piis applicandorum aliquis corporalibus in contravenientes, ut ex tenore dicti. Contigit porro, ut de mense Julii paelibati anni, occasione obitus cuiusdam mercatoris Antonini Micii, illius haeredes supplicem porrexerint libellum eidem Episcopo pro facultate excavandi pavimentum ecclesiae collegiae s. Mariae de Plataea, ad effetum ibidem intra capsulam recondendi praedicti defuncti cadaver et praedictus Episcopus in calce praefati libelli hoc rescriptum edidit:

*Solutis prius actualiter in manibus camerariae collegiae ducatis vigenti, quorum sex inter Canonicos dividantur, reliqui vero in beneficium ipsius ecclesiae nostro arbitrio impendendi conserventur, facultatem concedimus juxta petita. Renuentibus autem praedictis haeredibus persolvere majorem summam, quam consuetam ducatorum*

sex ad beneficium Collegiate, eaque jam per ejusdem Canonicos recepta, Episcopus reputans ex hoc suam episcopalem dignitatem spretam quorundam Canonicorum carcerationem demandavit, hinc iisdem Canonici obtinuerint ab A. C. monitorum super manutentione cum inhibitione, elsi subinde, Episcopo instanti, fuerit causa remissa a R. P. Auditore Sanctissimi ad hanc S. C. Super quibus informans Episcopus, eadem non inficiatur, sed lato calamo, tum dicti tum rescripti justitiam sustinere conatur, ut ex ejusdem relatione in summario exhibita; hinc concordatis infrascriptionis dubiis, reverenter expetitur ab EE. VV. oraculum pro declaratione:

I. An Episcopo volenti concedere licentiam frangendi pavimentum protumulandis cadaveribus licitum sit praetensam taxam ducatorum sex diminuere, augere, seu etiam in totum tollere? Et quatenus augeatur ultra ducat. sex,

II. An exactio augmenti injungi possit, ut fieri debeat a Capitulo in casu etc?

S. C. C. resp. ad utrumque: Negative et servetur Bulla PP. Pii V.

Die 19. Maii 1708.

Spoletana,

(Conc. Tr. C. 13. Sess. 25. De ref.)

Intra Ecclesiam parochiale castri s. Felicis hujus dioecesis nonnisi duo sepulchra constructa extant certarum familiarum particularium cum jure privativo sepeliendi quoad alios, caetera autem defunctorum cadavera contumulantur in caemetorio prope eandem ecclesiam existent. nullo, ut dicitur, praestito emulmento Parochi; si quis vero inter eandem ecclesiam consepteli cuperet, consueverunt Parochi exigere certam praestationem scutorum nempe trium pro adultorum

via arcendi sunt foetores. S. C. Ep. 3. Febr. et 16. Dec. 1603.

Damnati ad mortem sepeliri non debent in ecclesia magnae devotionis si inde populus concipit horrorem et occasionem ecclesiae minus frequentandae. S. C. Ep. 17. Mart. 1579.

Posse concedi licentiam erigendi sepulchram in *medio chori*, dummodo sepulchrum non emineat supra chori planitatem, neque immineat alteri constructo vel construendo in confessione. N. 674 die 20. Febr. 1627.

Valere reservationem sepulturae pro Alicornio et successoribus in ecclesia per ipsum aedificata existente intra fines Ecclesiae parochialis, reservata tamen quarta funerali debita parochiali Ecclesiae, nec posse prohiberi celebrationem missae in propria ecclesia diebus festivis ante Missam parochialem. N. 805 die 31. Mart. 1629.

(Ad decr. n. 805.) Si Curatus requisitus hujus ecclesiae ab Alicornio aedificatae interesse recuset, posse in dicta ecclesia tradi sepulturae Alicornii et successorum cadavera sine ipsius interventu et licentia. N. 842 die 22. Decb. 1629.

Posse corpora defunctorum juxta eorum dispositiones vel haeredum voluntatem directe deferri ad ecclesiam, ubi sepelienda erunt, absque eo quod prius ad ecclesiam matricem deferentur, dummodo Curato jura et emolumenta solita sepulturae solvantur. Nr. 296 die 25. Febr. 1606.

Familia, quae a fundamentis exstruit capellam in Ecclesia parochiali eamque sufficienter dotat, non potest affigere inscriptiones virorum in dignitate ecclesiastica constitutorum ex eadem familia cum imaginibus et statuis ipsorum. N. 1292 die 2. Mart. 1641.

Licet confratribus et sororibus in oratorio eligere sepulchram, reservatis

Parocho emolumentis ad formam constitut. synodal. et juxta solitum. N. 3832 ad 11. Die 22. Novbr. 1710.

Vd.: *Sepultura* juxta altare; *Sepulchrum mort.* in Ecclesia. *Dedicatio Eccles.* (Sepulchra); *Sepult.* (locus, decr. de die 17. Mart. 1579); *Visit.* de funerib.

Nuscana.

*Ad dub.* 1.: An pro constructione novae sepulturae per Confratres societatis SSmi Rosarii oppidi Montellae factae in parochiali Ecclesia s. Nicolai satis fuerit licentia Episcopi vel potius requireretur expressa licentia Capituli Ecclesiae Collegiate s. Mariae ejusdem terrae?

2. An electio sepulturae a dictis Confratribus Societatis SSmi Rosarii fieri possit in predicta nova sepultura specialiter constructa in parochiali Ecclesia s. Nicolai pro Confratribus ejusdem Confraternitatis?

3. An cadaver Salvatoris de Nenna loco depositi conditum in sepultura veteri ejusdem parochialis Ecclesiae s. Nicolai sit humandum et sepelendum in nova sepultura ab eodem Salvatore electa vel potius sit alio ferendum in casu?

S. C. C. resp. ad I: affirmative quoad primam partem et negative quoad secundam;

ad II: affirmative;

ad III: affirmative quoad primam partem et negative quoad secundam.

Die 28. Jan. 1736.

Pius PP. V.

Ut in ecclesiis nihil indecens relinquitur Episcopi provideant ut capsae omnes et deposita seu alia cadaverum conditoria super terram existentia omnino amoveantur, prout alias statutum

fuit, et defunctorum corpora in tumulis profundis infra terram collocentur.

Die 1. Apr. 1566.

(Bull. r. t. VII. p. 436. Ed. Aug. Taur.)

#### 14) In Ecclesiis Confratern.

(Licit.)

Vd.: *Sepult. Confr.*

*Ad dub.*: An liceat confraternali salutis terrae Medicinae sepelire in propria Ecclesia cadavera Confratrum et consorum, qui ibidem elegerint sepulturam et an ejusdem Capellanus absente Parocho valeat officium aliasque functiones super iisdem cadaveribus expiere?

S. C. C. resp.: Affirmative ad primam partem et quoad secundam negative nisi Parochus vocatus renuat vel alium sacerdotem non substituat.

Die 28. Julii 1724 ad 9. Bonon.

*Ad dub.*: An in sepulchro confraternitatis in propria Ecclesia sito sepeliendi sit confratres, qui sine sepulturae electione decadunt? S. C. C. resp.: Negative. Die 13. Febr. 1666.

*Ad dub.*: An liceat in Eccles. confratern. habere sepulchra et respective possunt cadavera tumulari absque licentia parochi et in praejudicium jurium paroch.? S. C. C. resp.: Licens habere sepulchra accidente licentia Episcopi et posse in eis cadavera tumulari, si eligatur sepultura, absque licentia Parochi sed salvis juribus paroch. Die 10. Maii 1727.

#### 15) In Eccles. Monialium.

Vd.: *Sepult. Regul.; Visitat. de funerib.*

*Excipiuntur Ecclesiae monialium, in quibus non possunt construi nec eligi sepulturae a laicis seu saecularibus utriusque sexus absque speciali licentia S. Congregationis et co-*

pulativa monialium. Sic pluries decrevit S. Congr. Episc. et Regul. et signanter in Montefeltrin. 21. Novbr. 1603 in Gravinen. 1. Octobris 1650 his verbis: „Nella Chiesa anco esteriori delle Monache non si possono sepelire esteri, e forestieri, ne uomini, ne donne, ne anco Principi, ancorche vi fossero sepolti i loro Maggiori.“

Sic ex *Pignatell.* tom. 4. consult. 117. n. 1. refert et tenet *Card. Petra* n. 29. Idem decrevit in Forosempionen. 25. Augusti 1652 et in Maceraten. 8. Novembris ejusdem anni; quae decreta bene ponderata iterum probavit eadem S. Congr. Episcop. et Regul. in Vercellen. 18. Maii 1695 non obstante solito, referente Eminentis. Pamphil. et in Mantuana 14. Mart. 1697, ponente Eminentis. Acciajolo, et in Camerinen. 6. Mart. 1713, ponente Eminentis. Corsino ex post summo Pontifice sub nomine Clementis XII., et saepe alibi teste Ursaya tom. 1. p. 1. discept. 36. n. 18.

*Soleat tamen concedi licentia* in S. Congregatione tam pro construendo sepulchro quam pro eligenda sepultura in Ecclesiis monialium, ut declaravit requiri in Ferrarien. 13. Julii 1660 pro personis benemeritis vel cum eleemosyna competenti: Ead. S. Congr. Episcop. et Regul. in Messana 6. Augusti 1601 in d. Camerin. 6. Martii 1713, ponente D. Eminentis. Corsino. Et tune officium facit Parochus usque ad portam Ecclesiae et non ultra, exequias compleante ex post confessario monialium: Ead. S. Congr. Episcop. et Regular. in una observantium 9. Junii 1615 et S. Congr. Conc. 19. Mart. 1639 teste Ursaya tom. 1. part. 1. disc. 8. n. 13., 27., 28., 29. et 30.

*In casu autem, quod quis electa sepultura in Ecclesia monialium non posset defectu licentiae in ea sepeliri,* tunc, si is non haberet sepulchrum majorum, deberet sepeliri in Parochiali

per dicta et jura adducta supra n. 93. et in terminis tenent *Passerini*. de statib. hom. t. 2. q. 187. art. 4. n. 260., et *Card. Petra* l. cit. n. 33. in fine dicentes, si impedimentum esset temporaneum et speraretur obtinenda licentia, posset tunc expectari, deposito cadavere in aliquo loco: *Matthaeucci* 5. et alii.

Quaeres: utrum eligi sepultura etiam possit in ecclesiis monialium? Affirmant Samuel, Marga, Gonzalez, Tellez, Ventriglia; quod concedunt de Ecclesia exteriori, quamvis de interiori, scilicet intra septa monasterii, negent. Sed dicendum, neque in Ecclesia exteriori monialium eligi sepulturam aut recipi corpora defunctorum posse absque licentia S. Congregationis. Et profecto valde contradicit monialium sexui ac statui talis tumulatio mortuorum in earum Ecclesiis etiam exterioribus, ne turbentur in earum quiete ab officio in funeralibus ibi necessario faciendo et quidquid sit in puncto juris, expresse declaratur a S. Congregatione Episcoporum et Regularium in Maceraten. 8. Novbr. 1652 scilicet, quod corpora laicorum, sive virorum fuerint sive mulierum, nequeant sepeliri in Ecclesia exteriori monialium, licet solvere vellent poenam synodalem, et ad tales effectum saltum requiritur licentia S. Congregationis nec non consensus monialium, ut in Ferentra 21. Novbr. 1603, et eadem S. Congregat. in Forosempionen. 23. Aug. 1652 scripsit Episcopo: Essendo portata la notizia a questa S. C. che si pensi di sepellire il cadavere di d. Marchionne moglie del Cirusico di cotesta citta nella Chiesa delle Monache die S. Bernardo, dove si ha eletta la sepoltura, questi Eminentissimi miei signori mi hanno comandato di avvertire a V. S. che essendo cio contro i Decreti della medesima S. Congregatione, non lo permetta in verum

modo senza expressa licenza dell' Eminenze loro, et in Gravinen. 1. Octobris 1650: Nelle Chiese, anche esteriori delle Monache, non si possono seppellire esteri, e forestieri, ne uomini, ne donne, ne anco Principi, ancorche vi fossero sepolti i loro maggiori.... Quare cum dictae declarationes sint maxima auctoritatis omniaque Tribunalia eas recipient, praesertim sacra Rota, ut est notum, tollunt proinde omne dubium..., (et) cum emanaverint praefata decreta per viam peculiaris dispositionis..., videntur cessare omnia privilegia, non obstante consuetudine, nisi sit immemorabilis vel quadragenaria cum titulo. Immo ex declaracione S. Congregationis praedictae in Sarzanen. 29. Novbr. 1622 tenerentur moniales restituere corpora defunctorum in earum Ecclesiis tumulata, si petantur, et omnia, quae percepunt, praesertim si non fuerint commixta cum aliis ossibus, necon non annum legatum Ecclesiae tumulanti relictum, ut in Mediolanen. 17. Febr. 1583, 13. Juli 1618 et 5. Juli 1647. Ita Cardinalis Petra comment. ad Constit. Apost. tom. 2., comment. ad Constitut. 3. Coelestini 111. sect. 1. n. 29.

*Quod si quis decederet electa sepultura in Ecclesia monialium, sepiendiens erit in sepultura majorum vel, si talem non habeat, in Parochiali ac si nullam elegisset sepulturam. „Nam cum electio sepulturae non possit sortiri effectum, perinde se habet ac si non elegisset, 1. si quis sub condit. ff. de test. tutor. et l. ex sensu §. 1. ff. de appellat., ac proinde subintrat dispositio legis, cessante dispositione hominis.“ Haec Pignatell. tom. 4. consultat. 177. n. 11.*

*Prohibitio quod de cetero nulla corpora defunctorum, praeterquam regalia, in choris et aliis locis intra septa et clausuram monasteriorum*

*monialium in regnis Hispaniarum sepeliri valeant.*

*Sixtus PP. V., servus servorum Dei, dilecto filio nostro et Sedis apostolicae in partibus Hispaniarum commoranti, cum potestate legati de latere nuntio, salutem et apostolicam benedictionem.*

Circa pastoralis officii curam nobis, meritis licet imparibus, desuper commissam, quantum nobis ex alto permittitur, invigilantes, assidue ad ea, per quae perniciose abusibus et exinde provenientibus scandalis obvietur, ac in monasteriis singulis, praesertim foeminei sexus, debita clausura servetur et sanctimonialium in eis sub religionis iugo Christo Salvatori in castitatis holocausto famulatum affectantium quieti et animarum saluti consulatur, libenter intendimus ac in his nostrae vigilantiae partes propensius impartimur, prout in domino salubriter expedire conspicimus.

§. 1. Cum itaque, sicut accepimus, nonnullae personae laicæ in regnis Hispaniarum degentes saepius eo temeritatis deveniant ut, sub praetextu quod alias suorum defunctorum corpora in certis eorum capellis seu monialium choris vel aliis locis intra septa et clausuram monasteriorum monialium s. Augustini vel alterius ordinis, sub cura et regimine fratrum et superiorum ordinis fratrum praedicatorum viventium, existentibus, sepelire seu depolare consueverint, ab hujusmodi scandaloso abusu desistere non curantes, murum chori ecclesiarum monasteriorum hujusmodi pro introducendis cadaveribus rumpere et clausuram hujusmodi violare praesumant, in non modicum christifidelium scandalum,

§. 2. Nos, pro nostri pastoralis officii munere, scandaloso abusui et perniciose exemplo hujusmodi obviare ac monasteriorum clausuram et monialium in illis degentium quieti et ani-

marum saluti, quantum cum Deo possumus, providere volentes ac certam de praemissis notitiam habentes motu proprio, non ad alicujus desuper nobis oblatae petitionis instantiam, sed de nostra mera deliberatione, discretioni tuae per apostolica scripta committimus et mandamus ut auctoritate nostra prohibeas et statuas, quod de cetero, perpetuis futuris temporibus, nulla prorsus defunctorum corpora, praeterquam regalia, in choris, capellis, capitulis vel aliis locis intra septa ecclesiarum hujusmodi existentibus, quovis praetextu aut colore sepeliri aut deponi, perpetuo vel ad tempus, neque tumbae aut sepulturae intra septa et clausuram hujusmodi, cum stemmatibus aut insignibus vel alias quomodolibet, exceptis regalibus, fieri aut construi vel refici possint aut valeant quoquomodo.

§. 3. Et quod de praesenti forsitan constructae ex dictis locis *intra clausuram hujusmodi existentibus, penitus et omnino amoveri et ad alium locum in ecclesiis monasteriorum praeditorum, extra tamen clausuram, arbitrio superiorum praedictorum et partium interesse habentium transferri debeant.*

§. 4. Si quae vero capellae, etiam ad aliquas particulares personas quovis jure spectantes, intra eamdem clausuram reperiantur, ad quas, pro defunctorum corporibus inibi sepelendis, ex ipsa ecclesia non nisi diruto muro pateat ingressus, earumdem capellarum januae, quae de praesenti intra eamdem clausuram aperte existunt, occludi, et illis penitus clavis alia ostia extra clausuram hujusmodi in eadem ecclesia aperiri et fieri debeant, ita quod pro ingressu capellarum hujusmodi vel alias quomodolibet nullo modo eadem clausura de cetero violetur.

§. 5. Ac etiam ita in futurum, sub excommunicationis majoris latae sententiae ipso facto per contravenientes

incurrentae poena, a qua nonnisi per Nos aut successores nostros romanos Pontifices pro tempore existentes absolvit, perpetuo observari eadem auctoritate praecipias et mandes, monialesque et conventus monialium seu domorum hujusmodi super praemissis a quoquam, etiam praetextu cuiuscumque consuetudinis, etiam immemorabilis, quam eadem auctoritate revokes et annulles aut alias quovis colore nullatenus molestari, perturbari aut inquietari posse; necnon quicquid secus super his a quoquam, quavis autoritate, scienter vel ignoranter, attenti contigerit, irritum et inane decernas, contradictores quoslibet et rebelles per sententias, censuras et poenas ecclesiasticas aliqua opportuna juris et facti remedia, appellatione postposita, compescendo; ac legitimis super his habendis servatis processibus, sententias, censuras et poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii saecularis.

Datum Romae apud S. Petrum die 7. Maii 1586.

(Bull. r. t. VIII. p. 701. Ed. Aug. Taur. 1863.)

#### Feretrana.

Quaestio inter Jos. Angelum Calbinum Archipresbyterum sive Parochum loci Maceratae Feltriae ac moniales s. Clarae ejusdem loci novissime est orta: num licuerit praefatis monialibus tumulare in Ecclesia sui monasterii cadaver Puellae Annae Bartolli Fanensis dioecesis, quae in eodem monasterio, dum degebat educationis causa, decessit, vel potius ea sepelienda foret in Ecclesia parochiali, intra cujus limites monasterium ipsum est situm?

Binis potissime rationum momentis probare nititur memoratus Archipresbyter nonnisi cum manifesta iurium

suorum violatione praefatum cadaver traditum fuisse sepulturae in enunciata monasterii Ecclesia; primo nimis ex juris praescripto, quo monialibus omnino interdictum est, quascumque laicas personas in suis Ecclesiis se-pelire vel pro Laicis sepulchra con-struere, ut communiter tradunt Nicol. in Flosc. verb.: sepultura n. 5., Matthaeuc. in official. cur. Eccl. verb.: offic. quoad sepultur. cap. 48. n. 4., Monacell. form. leg. pract. tom. 1. formul. 22. tit. 11. n. 5. tom. 2. et alii passim, quod adeo verum esse authumat, ut nullius etiam consuetudinis praetextu id jus moniales queant sibi adsciscere ex adductis per Ursayam in instit. crimin. lib. 3. tit. 8. decrim. viol. sepult. n. 65., Pignatell. cons. 175. n. 4. tom. 4. Secundo vero ex addit. ad statuta Cleri rom. in cap. 3. de jure eligendi sepulturam ad §. 9., ubi habetur, quod puellae sive quaelibet alia persona laica, quae vel famulatus vel alia quacumque causa in monasteriis sive virorum sive monialium decedunt, tumulandae sint in sepulchro majorum, si habeant, sin minus, in Parochia, sub qua degit monasterium.

Contra vero moniales (juxta ea, quae ipsis auditis sacrae huic Congregationi rescripsit Episcopus) asserunt sibi jus tumulandi cadavera puellarum intra monasterii septa morientium, non solum quia Puellae istae aequa ac moniales prorsus exempla sint a quibuscumque juribus Parochorum, proptereaque non a Parochio sed a proprio confessario Sacraenta percipiunt, verum etiam quia duplex jam diu in ipsa Ecclesia sepulchrum reperiatur extructum, alterum scilicet pro monialibus, alterum vero pro Puellis, quae ibidem educationis causa comorantes forte decedant. Addunt ulterius id etiam confirmari ex consuetudine Feretranae dioecesis a nonnullis,

quae proferuntur, exemplis compro-bata, juxta quam ejusmodi Puellarum cadavera in monasteriorum Ecclesiis sepulta sunt nullo Parochis tradito funeris emolumento. Has autem ob rationes Episcopus ipse ita concludit: „Crederei che per questi motivi, e per quello dell' esenzione de monastero dalla giurisdizione parochiale abbino potuto esse monache sepelire l'Educanda defonta indipendentemente dal Paroco, ne potersi da questo pretendere aliqua quantita dicera, e neppure la Quarta, che solo vien dovuto per ra-gione delli amministrati Sagamenti.“

De simili controversia actum fuit in una Pennen. sepultura 6. Julii 1737 (ubi tamen ea concurrebat peculiaris circumstantia quod Puella sepulturam elegerat in Ecclesia monasterii) et propositis hisce dubiis:

I.: An licuerit tumulare cadaver Mariae Nolfi in Ecclesia monial. s. Clarae civitat. Pinnae? et quatenus negative;

II.: An sit locus exhumationi et respetive restitutioni dicti cadaveris una cum funeris emolumentis favore Ecclesiae Collegiatae et Parochialis s. Joannis Evangelistae ejusdem civitatis in easu?

S. C. rescripsit ad I.: affirmative; ad II.: provisum in primo et amplius. Eamdem vero quaestionem late pertractant doctores in folio illius causac adnotatis, quibus addi potest Scarfanton. ad Ceccoper. part. 3. addit. 48. n. 58 et seq.

His itaque perspectis grave non erit Eminentissimis PP. respondere:

I. An Ven. monasterio monialium s. Clarae terrae Marceratae Feltriae liceat sepelire in ejus Ecclesia cada-vera Puellarum educationis causa ibidem commorantium et in eodem monasterio decedentium? Et quatenus negative;

II. An sit restituendum Parocho ejus-dem terrae cadaver Annae Bartoli educationis causa in dicto monasterio degentis ibique defunctorum et sepultarum, sive saltem facienda sit declaratio de ea retinenda nomine Parochiae?

III. An eidem Parocho restituenda sint una cum cera integra emolumenta funeris ejusdem Annae Bartoli in casu?

S. C. resp. ad I.: Affirmative constito de electione sepulturae.

Ad II.: Negative.

Ad III.: Deberi quartam funeralē tantum.

Die 21. Apr. 1742.

#### 16) In Ecclesia Regularium.

Vd.: Sepult. (facienda a Regul.; intr. eccl.; Regular.)

Bituntina.

In causa Bituntina juris sepulturae in S. Rituum Congregatione vertente inter Capitulum et Canonicos ecclesiae Cathederalis ex una et Clericos regulares ejusdem civitatis ex altera partibus, quae ab eadem S. Rituum Congregatione Illmmo et Rmmo D. Cardinali de monte commissa fuerat, coram eodem Illmmo et Rmmo D. Cardinali ambae partes convenerunt et ad evitandas lites et pro majori quiete ambarum partium et totius civitatis Bituntinae ad hanc concordiam deve-nerunt, nempe:

„Quod si quis in ultima ejus voluntate voluerit seu mandaverit post ejus mortem corpus suum sepeliri in ecclesia s. Nicolai dictorum regularium Clericorum, in arbitrio Capituli et Canonicorum sit, illud associare vel non associare usque ad ecclesiam praedictam, sed si illud associent, non debeant dicti Canonicci et Capitulum officium facere sed associato corpore usque ad portam ecclesiae praedictae ad Cathedram redire.

Quod si Capitulum et Canonicci praedicti nullo modo praedictum corpus

defuncti ad ecclesiam praedictam Clericorum regularium associare voluerint, possint illud associare una tantum religio fratrum seu regularium et una tantum societas seu confraternitas Laicorum eligenda in testamento defuncti vel haeredum ipsius arbitrio. Quae religio et confraternitas associatio corpore ad praedictam ecclesiam Clericorum regularium redire debeant ad proprias ecclesias, relinquendo cu-ram officium faciendi circa corpus defuncti in ecclesia praedictis Clericis regularibus.

Quod quando Capitulum et Canonicci praedictae ecclesiae Cathedralis corpus defuncti, ut supra, associabunt usque ad portam ecclesiae dictorum Clericorum regularium, licet in ecclesiam non ingrediantur nec circa corpus officium faciant, teneantur dicti Clerici regulares dare dictis Canonicis et Capitulo medietatem totius cerae, quae pro funere defuncti paratur, tam funalium seu intortiorum, quae circa corpus defuncti deferuntur a domo defuncti usque ad ecclesiam praedictam, quam aliorum omnium funeralium et candelarum, quae erunt in ecclesia praedictorum Clericorum regularium tam super altare quam circa corpus defuncti in die funeris, sicut solent dicti Canonicci et Capitulum habere in omnibus aliis ecclesiis regularium, ad quas defensorum corpora assuant et circa ea officium faciunt juxta ejusdem Capituli et Canonicorum immemorabilem consuetudinem, attento quod si in ecclesia dictorum regularium Capitulum et Canonicci praedicti non ingrediantur nec officium facient per eos non stabit.“

Et haec omnia concorditer et pacifice ambae partes tam dictorum Capituli et Canonicorum quam dictorum Clericorum regularium acceptaverunt, citra tamen praejudicium quoad Capitulum et Canonicos omnium iurium spectan-

tum ipsi Capitulo et Canonicos, quoad alias religiones, juxta constitutiones et immemorabilem consuetudinem ipsius Capituli et Canonicorum, quibus non intelligatur aliquod praejudicium per hanc concordiam inferri super officiatura et jure sepulturae aliarum ecclesiarum regularium.

Quae quidem concordia ab Illmmis et Rmmis DD. Cardinalibus in plena Congregatione fuit approbata et ab S. Congregatione mandatum, ut in posterum in perpetuum in dicta civitate Bituntina obseretur; et ita censuit et declaravit.

Die 21. Februarii 1604.

(Anal. J. P. 1863 p. 29. n. 109.)

*Urbanus PP. II. Petro abbati coenobii Cavensis.*

Si quis ad eundem locum vel ejus ecclesias sibi sepulturam elegerit, licitum sit tibi tuisque successoribus et fratribus in ecclesiis ipsius coenobii commorantibus, ipsum in suo coemeterio sepelire absque cuiuslibet contradictione, dummodo christianus et catholicus habeatur.

Die 14. Septbr. 1092.

(Bull. r. t. II. p. 145. Ed. Aug. Taur. 1859.)

*Urbanus PP. II. Bernardo abbati Rivipolensi.*

Sepulturam sane ejusdem loci omnino liberam esse decernimus, ut eorum, qui illic sepeliri deliberaverint, devotioni et extremae voluntati, nisi forte excommunicati sint, nullus obsistat.

Die 16. Juli 1096.

(Ibid. p. 171.)

*Paschalis PP. II. Heinrico abbati Admontensi dioec. Salisb.*

Sane sepulturam ejusdem loci omnino liberam esse decernimus, ut eorum,

qui illic sepeliri deliberaverint, devotioni et extremae voluntati, nisi forte excommunicati sint, nullus obsistat.

Die 25. Octbr. 1105.  
(Ibid. p. 240.)

*Innocentius PP. II. Gotifredo abbati Admontensi dioec. Salisb.*

Sane sepulturam ipsius loci liberam esse censemus, ut qui se illic sepeliri deliberaverint, nisi excommunicati sint, extremae voluntati eorum nullus obsistat.

Die 13. Apr. 1139.  
(Ibid. p. 435.)

*Innocentius PP. III. abbati Averbatiensi.*

Sepulturam ejusdem loci omnino liberam esse concedimus, ut videlicet eorum, qui illic sepeliri deliberaverint, devotioni et extremae voluntati, nisi forte excommunicati sint, nullus obsistat.

Die 16. Apr. 1139.  
(Ibid. p. 437.)

*Innocentius PP. II. abbatissae s. Ambrosii Florent. dioeces.*

Sepulturam quoque ipsius loci liberam esse concedimus, ut eorum devotioni et extremae voluntati, qui se illic sepeliri deliberaverint, nisi forte excommunicati sint, nullus obsistat, salva tamen justitia matricis ecclesiae.

Die 12. Maii 1141.  
(Ibid. p. 453.)

*Innocentius PP. II. Gregorio abbati s. Barthol. dioec. Fesul.*

Sepulturam quoque ipsius loci liberam esse concedimus, ut quicunque se illic sepeliri decreverint, nisi forte excommunicati fuerint, eorum devotioni et extremae voluntati nullus obsistat, salvo tamen jure matricis ecclesiae.

Die 22. Septbr. 1141.  
(Ibid. p. 456.)

*Lucius PP. II. Guidoni abbati s. Joannis Parmen. dioec.*

Sepulturam ipsius loci liberam esse concedimus, ut eorum, qui se illic sepeliri deliberaverint, extremae voluntati et devotioni nullus obsistat, nisi fuerint excommunicati; salva tamen justitia matricis ecclesiae suea.

Die 7. Martii 1144.  
(Ibid. pag. 485.)

*Eugen. PP. III. Gebhardo Praeposito Ecclesiae Widberg.*

Sepulturam ipsius loci liberam esse concedimus, ut eorum, qui se illic sepeliri deliberaverint, devotioni et extremae voluntati, nisi forte excommunicati vel interdicti sint, nullus obsistat; salva justitia matricis ecclesiae.

Die 23. Decembris 1146.  
(Ibid. pag. 536.)

*Hadrianus PP. IV. Roccho Praeposito s. Constantii de Urbe veteri.*

Sepulturam ipsius loci liberam esse sancimus, ut eorum, qui se illic sepeliri deliberaverint, devotioni et extremae voluntati, nisi forte excommunicati vel interdicti sint, nullus obsistat, salva tamen justitia ecclesiarum, unde assumpti fuerint.

Die 15. Octobris 1156.  
(Ibid. pag. 635.)

*Adrianus PP. IV. Megenardo Praeposito Renshovensis Ecclesiae.*

Sepulturam ipsius loci liberam esse concedimus, ut eorum devotioni et extremae voluntati, qui se illic sepeliri deliberaverint, nisi forte excommunicati vel interdicti sint, nullus obsistat; salva tamen justitia matricis ecclesiae.

Die 29. Januarii 1157.  
(Ibid. pag. 638.)

*Alexander PP. III. Raymundo abbati Monasterii Cannigonensis.*

Sepulturam ipsius loci liberam esse concedimus, ut eorum devotioni et extremae voluntati, qui se illic sepeliri deliberaverint, nisi forte excommunicati vel interdicti fuerint, nullus obsistat: salva matricis ecclesiae justitia aliarumque ecclesiarum, a quibus mortuorum corpora assumuntur.

Die 10. Junii 1163.  
(Ibid. pag. 681.)

*Confirmatio nonnullorum decretorum pro associandis et sepeliendis cadaveribus in ecclesiis Regularium factorum.*

*Clemens Papa X.*

Ad futuram rei memoriam.

Nuper pro parte dilecti filii Alphonsi de Alarcos Presbyteri regularis Procuratoris generalis provinciarum Hispaniarum et Indianarum societatis Jesu, Congregationis venerabilium fratrum nostrorum s. romanae Ecclesiae Cardinalium negotiis et consultationibus Episcoporum et Regularium praepositae exposito, quod eadem Congregatio die 7. Decembris 1640 ad instantiam Commissarii Curiae fratrum ordinis minorum s. Francisci de observantia nuncupatorum declaravit, Parochos et Presbyteros terrae de Levano ac alios dioecesis Brundusin. non posse accipere majorem eleemosynam pro defunctis, qui sepelirentur in ecclesiis fratrum, quam accipiebant ab iis, qui sepeliebantur in ecclesiis dictorum Parochorum et Presbyterorum saecularium, et deinde 31. Augusti 1657 ad instantiam fratrum provinciae Dalmatin. ejusdem ordinis declaraverat, functiones funerales super cadaveribus defunctorum, quae sepelirentur in ecclesiis Regularium, postquam ipsa cadavera ad ecclesias ipsorum Regularium pervenissent, ad eosdem Regu-